

佛说逝童子经

西晋沙门支法度译



南無本師釋迦牟尼佛

说明

本简体校正版《佛说逝童子经》电子书，根据《乾隆大藏经》大乘五大部外重译经，第 0225 部，西晋沙门支法度译《佛说逝童子经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年二月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说逝童子经

西晋沙门支法度译¹

闻如是：

一时，佛在罗阅祇耆闍崛山中。

平旦，从诸比丘，被袈裟，持应器，入城分卫。佛行向富迦罗越门，富迦罗越有子，年十六，名曰逝，时在第三门内遥见佛来，身有奇相，容貌端正，心意安静，诸根寂寞，项中光出，影耀绝殊²，焰³明炽盛，若日之净月盛满时，悉照门内。

逝见佛如是，心中欢喜，肃然而惊⁴，便趣⁵上堂，为母说偈言：

金光色百余	此希 ⁶ 所见闻
今来住在外	当给其所求
威仪过梵王	光颜殊诸天
哀我故来耳	愿以持与之

其母闻逝言，即告曰：“如汝所称者，其人

¹ 大正藏：西晋沙门支法度译

² 大正藏：殊绝；永乐北藏及龙藏：绝殊

³ 大正藏：炎

⁴ 大正藏：敬

⁵ 大正藏：趋

⁶ 大正藏：希此；永乐北藏及龙藏：此希

岂贫穷？何为当乞儿耶？一何惑哉！今所言者，殊不合义。”

尔时，佛便以神足现化，放身光明，彻照七重门内，尽为大明。逝感佛威神，复为母说偈言：

譬如人见火 端自投其中
不善向佛者 自贼亦如是
天人中独尊 至圣无复上
是最可供养 施必得大利
今所有食分 愿取用与我
欲以奉上尊 此欢难常值

其母即以所有好衣及食具与逝，逝持出诣佛所，以头面着地，为佛作礼，却住一面，叉手白佛言：“今我见如来，虚⁷心恭敬注意于佛，惟以加哀受己所施。”

佛应时受之，为逝说偈言：

汝以伏慳意 能善修治施
今日供养佛 所念莫不吉

逝闻佛所语，即自说偈言：

我不愿富贵 亦弗望释梵
但愿最智慧 如佛而无上

尔时，天帝释下立逝前，说偈言：

⁷ 大正藏：虔

才用一布施 欲求佛者难
道常世世施 积若须弥宝
经历千亿劫 恒行慈爱心
不可以一施 得觉无上道

逝即答天帝释，说偈言：

譬如大工匠 欲伐巨木者
获⁸不一下斧 便以断大树
斧斫稍以渐 可尽大⁹山木
行¹⁰业从微得 求道亦如是
明不用一施 而得成大道
我有信精进 必为世间将

天帝释复为逝说偈言：

不如求尊天 释梵易可得
鲜能应佛法 佛道甚难得

逝答天帝释，说偈言：

设使一天下 满中火洞然
吾以身遍投 终不舍佛意
假令一切人 皆共贼害我
愿常慈心向 终不废大道
脆哉释梵天 彼皆为死法

⁸ 大正藏：犹

⁹ 大正藏：太

¹⁰ 大正藏：剥

愿归一切智 勇若师子雄

天帝释复为逝说一偈言：

快哉得善利 乃有敬在佛

专精向大道 想汝必作佛

逝答天帝释，说偈言：

天王且勿疑 于斯无上道

精进吾匪懈 会于世为佛

于是，天帝释默然。

时，佛为逝说偈言：

汝已于往世 敬事八千佛

心常愿大道 欲得安群生

后十二亿劫 终不堕恶道

但多修德善 恒以兴尊意

汝当百亿返 作王遮迦越

亦为四天王 每辄行正法

又当为帝释 未尝¹¹远梵行

后生兜率¹²天 然则道德成

当居千国界 中央得作佛

名曰须弥劫 一切莫不事

千国各横广 四百八十里

¹¹ 大正藏：常

¹² 大正藏：术

宫墙之严饰 一切皆以宝
初会说法时 六十千亿人
为弟子得度 皆得阿罗汉
再会说法¹³时 四十千亿人
皆入罗汉慧 所度为甚众
三会说法¹⁴时 所度甚众多
离垢入净慧 悉得无所著
是时佛刹中 无有乱恶众
皆悉向道法 一切行忠直
疾病之忧苦 都已无是死¹⁵
时人皆和睦 展转相念安
天日三时雨 裁已淹¹⁶土尘
寒暑常调适 度人若干种
族姓之男女 若欲兴善意
敬爱于佛者 供养当如此
吾今敷演是 菩萨所当行
面于正觉前 即得佛慧眼
诸佛无有数 经法不可尽
若以无数敬 福报亦无量

佛说是决已，迦罗越子逝、天帝释，及诸比

¹³ 大正藏：经

¹⁴ 大正藏：经

¹⁵ 大正藏：鬼

¹⁶ 大正藏：纒足掩；永乐北藏及龙藏：裁已淹

丘，闻经欢喜，皆前为佛作礼而去。

佛说逝童子经¹⁷

¹⁷ 大正藏：逝童子经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼囉. 娑麼囉. 弭麼曩. 萨嚩诃. 摩诃斫迦囉嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法
三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

